

Birasministeriija almmustuhtii etihkalaš rávvagiid ráđđádallamiidda ja ovttasbargui sámi bálgesiid boazoolbmuiguin

Birasministeriija lea almmustuhtán ráđđádallamiidda ja ovttasbargui sámi bálgesiid boazoolbmuiguin etihkalaš rávvagiid, mat vuodduduvvet ON biodiversiteahttasoahttasohpamušii. Rávvagiid ulbmilin lea ovttaiduhttit geavadiid ja váfistit ráđđádallamiid ábasvuoda.

ON biodiversiteahttasoahttasohpamuš dovddasta eamiálbmogiid ja báikkálaš servošiid rievtti atnit luondduriggodagaid árbevirolaš ja bistevas vuogi mielde, atnit ávkin iežaset árbevirolaš dieđu sihke searvat mearrádusdahkamii, mii guoská sin. Suomas soahpamuš guoská sápmelaččaid.

Suomas birasministeriija koordinere álbmotlaš áššedovdijoavkku, man bargun lea ovddidit ON biodiversiteahttasoahttasohpamuša artihkal 8(j) álbmotlaš ollahuhttima sámiid ruovttuguovllus. Artihkal doallá sisttis eaktodáhtolaš rávvagiid, mat movttiidahttet váfistit eamiálbmogiid searvama sihke suodjalit ja atnit ávkin sin kulturárbeviero ja árbevirolaš dieđu luonddu mánggahápmásašvuoda dorvvasteami oassin.

Ulbmilin bihttileabbo searvan ja luohttámuš

Etihkalaš rávvagat, mat laktásit čadahánvuloš ráđđádallamiidda ja ovttasbargui sámi bálgesiid boazoolbmuiguin, leat ráhkaduvvon ovttasbarggus Sámi bálgosat rs:in. Doaibmarávvagiid piloteren lea álbmotlaččat mearkkašahtti lávki. Ulbmilin lea duddjot čielga ja luohttámuša váfisteaddji geavadiid, mat dorjot sápmelaččaid eakti searvama ja ovdamiehtama proševttain, mat gusket sin. Rávvagat leat čuozihuvvon earenoamážit eiseválddiide ja almmolaš hálddabusbarggu dikšu doibmiide.

”Geatnegahtton ráđđádallama ja ovttasbarggu buoret geavada ollahuvvan leat eaktun sápmelaččaid mearkkašahtti searvamii ja sin rivttiideaset dorvvasteapmái”, gávnnaha rávvagiid ráhkadeamis leamaš birasráđdi **Lotta Manninen** birasministerijas.

”Boazodoallolága sisttisdoalli eiseválddiid geatnegahtton ráđđádallan lea boarásnuvvan, dat dovdojuvvo eiseválddiid gaskavuodas hejot ja dan ollahuhttin lea girjját”, govvida Sámi bálgosat rs ságadoalli **Tiina Sanila**.

”Dán dihte Sámi bálgosat rs lea háliidan ovdánahttit boazodoallolága geatnegahtton ráđđádallama ollahuhttima ja dulkoma stuora ovdánanlávkkiid váldán riikkaidgaskasaš eamiálbmotrievtti vuodul. Dasa lassin ON biodiversiteahttasoahttasohpamuš addá ovdánahttimii buori vuodu.”

Rávvagiid gárvvisteapmái oassálastán eamiálbmotrievtti doseanta **Leena Hansen** deattuha eakti dialoga dorvvasteami ráđđádallamiin. Ulbmilin galgá leat oktasašipmárdusa joksán ja sápmelaččaid dohkkeheapmi doaibmabijuide, mat váikkuhit sin rivttiideaset.

”Sápmelaččaid rievttálaš sajádat eamiálbmogin, mas lea vuoigatvuohta iežas giela ja kultuvrra bajásdoallamii ja ovdánahttimii, buktá ráđđádallamiidda iežas sierraiešvuodaid. Álbmotlaš ráđđádallangeatnegasvuodát galget álohii dulkojuvvot ja heivehit sámiid vuoddo- ja olmmošrivttiid vuodul”, Hansen dadjá.

Etihkalaš rávvagat leat ráhkaduvvon *MÁHTUT – Sámi diehtu ja geavadat ruoná sirdáseami áigebajis* -fidnus ovttasbarggus Sámi bálgosat rs:in. Rávvagiid leat čállán RDD doseanta Leena Hansen ja SDD Saara Alakorva Lappi universitehtas sihke Sámi bálgosat rs ságadoalli Tiina Sanila.

Lassidiedut

Lotta Manninen, birasráđđi, birasministeriija, lotta.manninen@gov.fi

Tiina Sanila, ságadoalli, Sámi bálgosat rs, sami.balgosat@gmail.com

Liŋkkat publikašuvdnii

[Rivttes vuohki, Olmâ vyehi, Õlmmvue'kk – Oikea tapa: YK:n biodiversiteettisopimukseen pohjautuvat eettiset ohjeet neuvotteluihin ja yhteistyöhön saamelaispaliskuntien poronhoitajien kanssa](#)